

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), člana 33. i 51. Zakona o izvršavanju Budžeta Zeničko-dobojskog kantona za 2014. godinu („Službene novine Zeničko-dobojskog kantona“ broj 15/13), Vlada Zeničko-dobojskog kantona, na 182.sjednici, održanoj dana 12.09.2014.godine, d o n o s i

ZAKLJUČAK

I.

Usvaja se Program utroška sredstava na razdjelu 19, budžetska organizacija 03, potrošačka jedinica 0001 – Kantonalna direkcija za ceste, ekonomski kod 821600 – naziv pozicije „Rekonstrukcija i investiciono održavanje“ Budžeta Zeničko-dobojskog kantona za 2014. godinu, pod nazivom „Program utroška budžetskih sredstava za realizaciju projekata na regionalnim cestama Zeničko-dobojskog kantona“ u iznosu od 2.750.000,00 KM (slovima: dvamilionasedamstotinapedesthiljada konvertibilnih maraka).

II.

Sredstva iz tačke I. ovog Zaključka, a u vezi sa odredbama Zaključka Vlade Zeničko-dobojskog kantona broj: 02-14-11464/14 od 03.06.2014. godine, stavljaju se na raspolaganje za realizaciju projekata na cestovnoj infrastrukturi Zeničko-dobojskog kantona, oštećenoj u vrijeme prirodne i druge nesreće proglašene Odlukom broj: 02-44-10210/14 od 15.05.2014.godine.

III.

Ovlašćuje se direktor Kantonalne direkcije za ceste da uz saglasnost ministra Ministarstva za prostorno uređenje, promet i komunikacije i zaštitu okoline, odlučuje o preraspodjeli sredstava u okviru ukupno odobrenih i planiranih projekata.

IV.

Zadužuju se Kantonalna direkcija za ceste, Ministarstvo za prostorno uređenje, promet i komunikacije i zaštitu okoline i Ministarstvo finansija da u skladu sa zakonom i podzakonskim aktima realizuju ovaj zaključak svako u okviru svojih nadležnosti.

V.

Usvajanjem ovog Programa utroška sredstava za 2014. godinu stavljaju se van snage sve započete aktivnosti sa općinama prema aktu broj: 12-27-1806/14 od 24.01.2014. godine

VI.

Zaključak stupa na snagu danom donošenja.

Broj: 02-14-18199/14.

Datum, 12.09.2014. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za prostorno uređenje, promet i komunikacije i zaštitu okoline,

1x Kantonalna direkcija za ceste,

1x Ministarstvo finansija,

1a/a.

**PROGRAM UTROŠKA BUDŽETSKIH SREDSTAVA
ZA REALIZACIJU PROJEKATA NA CESTOVNOJ INFRASTRUKTURI
ZENIČKO-DOBOJSKOG KANTONA**

U Budžetu Zeničko-dobojskog kantona za 2014. godinu („Službene novine Zeničko-dobojskog kantona“ broj: 15/13) Vlada Zeničko-dobojskog kantona utvrdila je iznos od 3.000.000,00 u okviru budžetskih sredstava na poziciji „Rekonstrukcija i investiciono održavanje“ na Kantonalnoj direkciji za ceste.

Od navedenog iznosa, a vezi sa odredbama Zaključka Vlade Zeničko-dobojskog kantona broj: 02-14-11464/14 od 03.06.2014.godine, Vlada Kantona preraspodjelila dio sredstava u iznosu od 250.000,00 KM sa Kantonalne direkcije za ceste na Direkciju za robne rezerve.

Preostali iznos od 2.750.000,00 KM realizovati će se prema predloženom Programu utroška budžetskih sredstava za realizaciju projekata na cestovnoj infrastrukturi Zeničko-dobojskog kantona, oštećenju u vrijeme prirodne i druge nesreće proglašene Odlukom broj: 02-44-10210/14 od 15.05.2014.godine.

Elementarne nepogode koje su polovinom mjeseca maja i početkom mjeseca avgusta 2014. godine zadesile područje Zeničko-dobojskog kantona u velikoj su mjeri nanijele ogromne štete na cestama i pripadajućim cestovnim objektima. Upravitelj regionalnih cesta i cestovnih objekata u sastavu regionalnih cesta na području Zeničko-dobojskog kantona je Kantonalna direkcija za ceste u sastavu Ministarstva za prostorno uređenje, promet i komunikacije i zaštitu okoline.

U navedenim i sličnim situacijama, a shodno odredbama Zakona o cestama Federacije BiH, upravitelj regionalnih cesta je u obavezi uspostaviti prohodnost na regionalnim cestama u što kraće vrijeme, kako bi se osigurala bezbjednost učesnika u prometu i kontinuirano odvijanje prometa u sistemu javnih cesta na području Federacije BiH.

U tom pravcu, Kantonalna direkcija za ceste je putem odabranih izvođača radova na redovnom održavanju regionalnih cesta osigurala minimalnu prohodnost na regionalnim cestama oštećenim u vrijeme elementarnih nepogoda izvršavajući slijedeće poslove:

- privremene sanacije klizišta i odrona uklanjanjem osulinskog materijala sa kolovoza, odvodnih sistema i kosina ceste,
- privremena sanacija oštećenih dionica ceste u cilju zaštite trupa ceste i uspostave potrebne prohodnosti,
- izrada alternativnih dionica ceste u zonama klizišta većih razmjera i postavljanje privremene saobraćajne signalizacije,
- regulacija korita rijeka i potoka koje su oštetile trup ceste i cestovnih objekata (mostovi, zidovi, propusti i dr.), te direktno ugrožavale odvijanje i bezbjednost prometa na cestama,
- čišćenje mulja, drveća, granja i ostalih otpadaka sa kolovoza ceste i odvoz istih na deponije,
- otklanjanje ostalih nedostataka na cestama a koji su ugrožavali bezbjednost učesnika u prometu.

Imajući u vidu činjenicu da je u vrijeme elementarnih nepogoda načinjena ogromna šteta na regionalnim cestama, Kantonalna direkcija za ceste je izvršavala poslove nužne za uspostavu minimalne prohodnosti u skladu sa raspoloživim sredstvima namijenjenim za izvršavanje radova redovnog održavanja regionalnih cesta, planiranih godišnjim planom zaštite, održavanja, rekonstrukcije i izgradnje regionalnih cesta.

Usljed nedostatka sredstava za trajnu sanaciju šteta na regionalnim cestama koje gravitiraju na području Zeničko-dobojskog kantona, na poplavljenim i oštećenim dionicama regionalnih cesta trenutno su i dalje aktivna klizišta sa ogromnim količinama osulinskog materijala u planumu ceste a promet se odvija alternativnim saobraćajnicama koje ne zadovoljavaju tehničke elemente za odvijanje prometa.

Pored nesigurnog odvijanja prometa na dionicama regionalnih cesta sa aktivnim klizištima, promet je neuslovan i mjestima gdje su prisutna „otkinuća“ jedne saobraćajne trake uz korita rijeka, oštećenja cestovnih objekata (mostova, obaloutvrđnih zidova, gabiona, ulazno-izlaznih građevina objekata za odvodnju ceste i dr.), lokalitetima sa većim deformacijama na kolovoznim konstrukcijama i drugi nedostaci koji su u velikoj mjeri prouzrokovali probleme u odvijanju i bezbjednosti prometa, a što može imati još veće posljedice u toku nastupajućeg zimskog perioda.

Obzirom na činjenicu da procijenjena ukupna šteta na regionalnim cestama u vrijeme elementarnih nepogoda iznosi oko 15 miliona konvertibilnih maraka, bilo bi krajnje neophodno da se u skladu sa raspoloživim sredstvima izvedu projekti I prioriteta, kako slijedi u priloženom tabelarnom prikazu.

Rbr	Dionica regionalne ceste	Opis poslova	Planirana sredstva/KM
1.	Regionalne ceste oštećene i poplavljene u vrijeme prirodne nesreće	Izrada projektne dokumentacije i elaborata i izvršenje usluge stručno-tehničkog nadzora.	300.000,00
2.	R-444 Podlugovi - Breza –Vareš	Trajna sanacija većeg klizišta na lokalitetu „Kapija“ uz odvijanje prometa privremenom alternativnom dionicom ceste. Rekonstrukcija oštećene dionice ceste na stacionaži 19+500 km.	400.000,00
3.	R-444a Vareš- Pogar – Ratanj	Izrada potpornog zida i kamenog nabačaja na lokalitetu „Luke“, usljed klizišta većih razmjera i izrada potpornog zida na stacionaži 17+200.	300.000,00
4.	R-467 Zavidovići-Ribnica	Izrada krilnog zida mosta i obalutvrdnog zida na lokalitetu „Ribnica“ usljed podlokavanja mosta i oštećenja trupa ceste za jednu saobraćajnu traku u dužini od 60 metara.	200.000,00
5.	R-467 Ribnica-Olovo	Izrada potpornih zidova na više lokaliteta sa aktivnim klizištima koja su značajno deformisala kolovoz a voda podlokala trup ceste	400.000,00
6.	R-467 Olovo-Han Pijesak (gr. Federacije)	Izrada potpornih zidova na više lokaliteta i obnova kolovoza u zonama klizišta	150.000,00
7.	R-466 Zavidovići-Kamenica-Ponijeri	Izrada potpornih zidova na mjestima podolokavanja ceste uz rekonstrukciju ceste	150.000,00
8.	R 466 Čatići-Kraljeva Sutjeska-Ponijeri	Rekonstrukcija oštećenih dionica ceste, izrada potpornih zidova na više lokaliteta trenutno aktivnih klizišta.	150.000,00
9.	R 413 a Čajdraš-Ovnak	Rekonstrukcija deformisane dionice ceste na stacionaži 10+800 km.	150.000,00
10.	R 474 Novi Šeher-Tešanj (granica Federacije)	Rekonstrukcija deformisanih dionica ceste na više lokaliteta i trajana sanacija aktivnih klizišta	200.000,00
11.	R 441 Zenica-Vjetrenice	Rekonstrukcija dionice ceste u zoni klizišta na stacionaži 4+250 km.	150.000,00
12.	R 465 Zavidovići-Maglaj (gr.Federacije)	Rekonstrukcija dionice ceste u zoni klizišta na stacionaži 8+290 km.	100.000,00
13.	Lokalna cesta Grgići u MZ Sivša, općina Usora	Rekonstrukcija dionice ceste sa ugradnjom asfaltnog zastora.	100.000,00
S V E U K U P N O			2.750.000,00

Planirani iznosi sredstava za realizaciju projekata na regionalnim cestama dati su na osnovu procjene stručne službe Kantonalne direkcije za ceste. Nakon provedenog odgovarajućeg postupka javne nabavke i projektnom dokumentacijom, implementirat će se projekti na osnovu odabrane cijene najpovoljnijeg ponuđača. Preraspodjelu sredstava u okviru ukupno odobrenih i planiranih projekata vršit će Direkcija za ceste, uz saglasnost ministra Ministarstva za prostorno uređenje, promet i komunikacije i zaštitu okoline.

Direkcija za ceste ranije je okončala aktivnosti oko izrade projektnih zadataka za izradu kompletne projektne dokumentacije i elaborata, ali zbog nedostatka sredstava nije bila u mogućnosti pokrenuti postupak licitacije nevedene usluge, kao i licitaciju građevinskih radova datih u tabelarnom prikazu.

Kako su ogromne štete na regionalnim cestama prouzrokovane prirodnim i drugim nesrećama koje se nisu mogle predvidjeti, ne mogu se ispoštovati utvrđeni minimalni rokovi za provođenje otvorenog postupka javne nabavke u skladu sa odredbama Zakona o javnim nabavkama. Obzirom na potrebu hitne sanacije šteta na oštećenim regionalnim cestama Direkcija za ceste će provoditi pregovarački postupak bez objave obavještenja o javnoj nabavci i konkurentske postupke shodno odredbama Zakona o javnim nabavkama BiH.

Broj: 02-_____/14.

Datum, 12.09.2014. godine

Z e n i c a

DOSTAVLJENO:

1x Kantonalna direkcija za ceste,

1x Ministarstvo za prostorno uređenje, promet i komunikacije i zaštitu okoline,

1x Ministarstvo finansija,

1a/a.

PREMIJER

Munib Husejnagić, dipl.ing.maš.